山庫全幸

史部

欽定四庫全書史部

詳校官納修臣李 潢

洗馬臣王坦修覆勘 覆校官助教臣具省繭

校對官助教臣金學詩 腾録舉人臣郭文號

欠三日奉命与 朝方上書日論天體者三家宣夜之學絕無師法周 のの記録が 日宣夜二日蓋天三日渾天而天之 宋書 又關其文漢靈帝議郎祭邕 約 撰

無狀投界有北灰減雨絕勢路無由宜問羣臣下及嚴 論本欲寢伏儀下思惟微意按度成數以著篇章畢惡 之形以正黄道占察發飲以行日月以步五緯精微 史官所用候臺銅儀則其法也立八尺圓體而具天地 髀術數具存考驗天狀多所違失惟渾天僅得其情今 末吳人陸續善天文始推渾天意王蕃者盧江人吳時 知渾天之意者使述其義時間官用事岂議不行漢 百世不易之道也官有器而無本書前志亦闕而

為中常侍善數術傳劉洪乾象歷依乾象法而制渾 ストリロミとはある 地上半在地下其二端謂之南極北極北極出地三 立論考度日前儒舊說天地之體狀如禹卯天包地外 七十二度常隱不見謂之下規赤道帯天之紘去两 六度南極入地亦三十六度兩極相去一百八十二 天三百六十五度五百八十九分度之百四十五半露 猶殼之裏黃也周從無端其形渾渾然故曰渾天也周 -强繞北極徑七十二度常見不隱謂之上規繞南 宋書 度 極

赤道内與赤道東交於角五少弱西交於奎十四少强 故日亦出辰入申日畫行地上百四十六度强故日短 最南去極最遠故景最長黄道斗二十一度出辰入申 日南至在斗二十一度去極百一十五度少强是也 也其入亦道内極遠者亦二十四度井二十五度是也 其出赤道外極遠者去赤道二十四度斗二十一度是 各九十一度少强黄道日之所行也半在赤道外半在 歩りした 夜行地下二百一十九度少弱故夜長自南至之後日 卷二十三

行地下度稍少故夜稍短日所在度稍比故日稍北以 最北去極最近景最短黄道井二十五度出寅入戌故 至於夏至日在井二十五度去極六十七度少强是日 去極稍近故景稍短日畫行地上度稍多故日稍長夜 ていこつ」という 極稍遠故景稍長日畫行地上度稍少故日稍短夜行 長夜行地下百四十六度强故夜短旬夏至之後日去 日亦出寅入戍日晝行地上二百一十九度少弱故日 下度稍多故夜稍長日所在度稍南故日出入稍南 宋書

晝夜以昏明為限日未出二刻半而明日已入二刻半 斗二十一井二十五之中故景居二至長短之中奎十 此黄赤二道之交中也去極俱九十一度少强南北處 四十 四角五出卯入酉故日亦出卯入酉日晝行地上夜行 以至於南至而復初馬斗二十一井二十五南北相 下俱百八十度半强故日見之漏五十刻不見之漏 刻謂之晝夜同夫天之晝夜以日出入為分人之 八度春分日在奎十四少强秋分日在角五少弱

金罗巴歷人

歩二尺七寸四分四百八十七分分之三百六十二陸 家歷法参差不齊浴書甄耀度春秋考異郵皆云周天 次已日三人二百 也考之徑一不啻周三率周百四十二而徑四十五則 績云天東西南北徑三十五萬七千里此言周三徑一 刻三光之行不必有常術家以算求之各有同異故諸 而孱故损夜五刻以益畫是以春秋分之漏畫五十五 天徑三十二萬九千四百一里一百二十二步二尺二 一百七萬一千里一度為二千九百三十二里七十一 宋書

半而陽城為中則日春秋冬夏昏明晝夜去陽城皆等 日下萬五千里也以此推之日當去其下地八萬里矣 之地中鄭衆說土圭之長尺有五寸以夏至之日立八 無盈縮矣故知從日邪射陽城為天徑之半也以勾股 女云凡日景於地千里而差一寸景尺有五寸者南載 尺之表其景與土主等謂之地中今預川陽城地也鄭 寸一分七十一分 分之十周禮日至之景尺有五寸謂 邪射陽城則天徑之半也天體 如弹九地處天之

タラグロス とって

二里有奇一度凡千四百六里百二十四步六寸四分 欠い日上二十二日 七寸二分天徑之數也以周率垂之徑率約之得五十 也倍之得十六萬二千七百八十八里六十一步四尺 城弦也以句股求弦法入之得八萬一千三百九十四 法言之傍萬五千里句也立八萬里股也從日邪射陽 天之數也減甄雅度考異那五十五萬七千三百一十 里三十步五尺三寸六分天徑之半而地上去天之數 一萬二千六百八十七里六十八歩一尺八寸二分周 宋書

千五百二十五里二百五十六步三尺三寸二十一萬 南北徑三十五萬七千里然則績亦以天形正圓也而 象其形如爲卵然則黄道應長於亦道矣績云天東西 百六十五度有奇是以知天體圓如弹九而陸續造渾 五千一百三十分分之十六萬七百三十分黄赤二道 十萬七千五百六十五分分之萬九千三十九減舊度 渾象為鳥卵則為自相違背古舊渾象以二分為一度 相與交錯其間相去二十四度以兩儀推之二道俱三

金りしると

3

言四方者東陽谷日之所出西至濛氾日之所入莊子 四分分之三也御史中丞何承天論渾象體曰詳尋前 轉移更制渾象以三分為一度凡周天一丈九寸五分 大四尺六寸蕃以古制局小星辰稠概衡器傷大難 又云北溟之魚化而為鳥將徒於南溟斯亦古之遺記 說因觀渾儀研求其意有以悟天形正圓而水周其下 人につう 人はち 四方皆水證也四方皆水謂之四海凡五行相生於金 凡周七尺三寸半分張衡更制以四分為一度凡周一 宋書

精光耀炎熾一夜入水所經炼竭百川歸注足於補復 衡以齊七政則今渾天儀日月五星是也鄭玄說動運 徐爰曰渾儀之制未詳厥始王蕃言虞書稱在璇璣玉 故旱不為減浸不為益徑天之數蓄說近之太中大夫 是故百川發源皆自山出由髙趣下歸於汪海日為陽 為機持正為衛皆以玉為之視其行度觀受禪是非也 原統美而斯器設在候臺史官禁密學者寡得聞見穿 渾儀義和氏之舊器歴代相傳謂之幾衡其所由來有

雅高遠之才沈靜精妙之思超然獨見改正其說聖人 星構造虚文託之讖緯史遷班固猶尚惑之鄭玄有贍 遵孰敢非革而三天之儀 紛然莫辯至楊雄方難蓋通 行為體設器擬象馬得定其盈縮推斯而言未為通論 設使唐虞之世已有渾儀涉歷三代以為定准後世書 復出不易斯言矣蕃之所云如此夫候審七曜當以運 ていうち かんかる 渾張衡為太史令乃鑄銅制範衡傳云其作渾天儀考 宋書

整之徒不解機衡之意見有七政之言因以為北斗七

蓋之 鄭玄為博實偏信無據未可承用夫璇玉貴美之名璣 臺案既非舜之璇玉又不載今儀所造以緯書為穿鑿 **衡詳細之目所以先儒以為北斗七星天網運轉聖人** 渾天遭秦之亂師徒丧絕而失其文惟渾天儀尚在候 步陰陽最為詳密故知自衡以前未有斯儀矣蕃又云 金ラレスと言 則古失之則凶以之占察有何不可渾文廢絕故有宣 仰觀俯察以審時變馬史臣案設器象定其恒度合之 ·論其術並跳故後人莫述楊雄法言云或人問

幾幾乎莫之違也若問天形定體渾儀跡密則雄應 スこり 更 なかり 復鑄之乎王蕃又記古渾儀天度弁張衡改制之文則 渾儀答之而舉此三人以對者則知此三人制造渾儀 天於雄雄曰落下閎營之鮮于妄人度之耿中丞象之 斯器非衡始造明矣衡所造渾儀傳至魏晉中華覆 **圖唇緯問者益渾儀之疎密非問渾儀之淺深也** 沈沒我屬績蕃舊器亦不復存晉安帝義熙十四年 而推則西漢長安已有其器矣將由丧亂亡失故 乐書

家星日月五星悉居黄道蓋天之術云出周公旦訪之 少周一 應十七年又作小渾天徑二尺二寸周六尺六寸以分 星於黄道之上置立漏刻以水轉儀尾明中星與天相 北二極規二十八宿北斗極星五分為一度置日月五 髙祖平長安得衡舊器儀狀雖舉不綴經星七曜文帝 元嘉十三年詔太史令錢樂之更鑄渾儀徑六尺八 一度安二十八宿中外宮以白黒珠及黄三色為三 、大八尺二寸六分少地在天内立黄赤二道南

金グロをとう

卷二十三

てつり コーニュラ 殷商蓋假託之說也其書號曰周髀解者表也周天之 宿運故日與列星民俱入西方後九十一日是宿在北 紀說夏歷以為列宿日月皆西移列宿疾而日次之月 事鄭玄又難其二事為蓋天之學者不能通也劉向 隨天轉運隱地之髙以為畫夜也天地相去凡八萬里 數也其代云天如覆蓋地如覆盆地中高而四價日月 天地之中高於外衛六萬里地上之高高於天之外衡 二萬里也或問蓋天於楊雄楊雄曰蓋哉蓋哉難其八 宋書 五

之迹 行遲於列宿也月生三日日入而月見西方至十五日 造安天論以為天高窮於無窮地深測於不測地有 西方謂之朓朓疾也朔而月見東方謂之側匿側匿遲 日 方又九十一日是宿在東方九十一日在南方此明 敢進也星辰西行史官謂之逆行此三說夏歷皆違 遲於日而皆西行也向難之以鴻範傳曰晦而月見 入而月見東方将晦日未出乃見東方以此明月)其意好異者之所作也晋成帝咸康中會稽虞喜 行 Ð

金号巨压

/とう!

卷二十三

静之體天有常安之形論其大體當相覆胃方則俱方 之長短信以太極處二十八宿之中央雖有遠近不能 論云天形穹隆當如鷄子幕其際周接四海之表浮乎 **圓則俱圓不同之義也喜族祖河間太守衛又立穹天** 相倍今昕天之説以為冬至極低而天運近南故日去 至日在牽牛去極遠夏至日在東井去極近欲以推日 元氣之上而吳太常姚信造昕天論日書覧漢書云冬 欠つりにんにする 人遠而斗去人近北天氣至故氷寒也夏至極起而天

變為天文志以續司馬彪云 星常宿中外宮前史已詳今惟記魏文帝黄初以来星 時日行地中深故夜長天去地下淺故畫短也然則天 魏文帝黄初三年九月甲辰容星見太微左掖門內占 昕所未 詳也凡三說皆好異之談失之遠矣凡天文経 立時日行地中淺故夜短天去地高故畫長也極之低 行寒依於渾夏依於蓋也按此說應作軒昂之軒而作 運近北斗去人遠日去人近南天氣至故炎熟也極之

多りせ

黄初四年六月甲申太白畫見五年十一月辛卯太白 黄初四年二月癸卯月犯心大星十二月丙子月又犯 崩 Valant Line I 又畫見案劉向五紀論曰太白少陰弱不得專行故以 驅臨江破其将呂範等是後累有征役七年五月文帝 日客星出太微國有兵喪十月孫權叛命帝自南征前 心大星占曰心為天王王者惡之七年五月文帝崩 已未為界不得経天而行経天則畫見其占為兵為丧

占曰五星入太微從右入三十日以上人主有大爱 黄初五年十月歲星入太微逆行積百三十九日乃出 黄初四年十一月月暈北斗占曰有大丧赦天下七年 吳將張霸 金グロアとこ 魏江夏太守文聘固守得全大将軍司馬懿救襄陽斬 為不臣為更王强國弱小國强是日孫權受魏爵號而 五月文帝崩明帝即位大赦天下 稱兵距守七年五月文帝崩八月吳遂園江夏寇襄陽 卷二十三

帝問黃權曰天下鼎立何地為正對日當驗天文往熒 皇子東陽武王鑒薨七年正月驃騎将軍曹洪免為庶 黄初六年五月十六日壬戌熒惑入太微至二十六日 欠足の中にす 一 左右執法大臣有憂一曰執法者誅金火尤甚十一月 占曰從後入三十日以上人主有大憂又日月五星犯 日有赦至七年五月文帝崩明帝即位大赦天下 壬申與歲星相及俱犯右執法至二十七日癸酉乃出 人四月征南大将軍夏侯尚薨五月文帝崩蜀記稱明 宋書

陵辛丑親御甲胄跨馬觀兵明年五月文帝崩魏明帝 黄初六年十月乙未有星孛于少徴歴軒轅案占孛彗 有大兵犯列宿為小兵五年三月諸葛亮以大衆憝天 無熒惑守心之文宜是入太微 感守心而文皇帝前吳蜀無事此其徵也按三國史並 太和四年十一月壬戌太白犯歳星占曰太白犯五星 異状其殃一也為兵丧除舊布新之象餘災不盡為旱 凶飢暴疾長大見分災深短小見速災淺是時帝軍廣 たこ

欠い日本 年正月太后郭氏崩 亮為其所害十二月太尉華歆薨 太和五年月熒惑犯房占日房四星股肱臣將相位也 太和五年十一月乙酉月犯軒轅大星占曰女主憂十 又犯軒轅大星青龍二年十1月乙丑月又犯鎮星三 水遣大將軍司馬懿距邊 月五星犯守之將相有憂七月車騎將軍張郃追諸葛 月甲辰月犯鎮星占日女主當之六年三月乙亥月 宋書

南司馬懿距之孫權遣陸議諸葛瑾等屯江夏口孫韶 太和六年十一月丙寅有星字于翼近太微上將星占 孫權封略也明年權有遼東之敗權又向合肥新城追 曰為兵喪甘氏曰字彗所當之國是受其殃異又楚分 全珠征六安皆不克下吳又明年諸葛亮入春川據渭 恒見占曰吳有兵明年孫權遣張彌等将兵萬人錫授 太和六年十一月丙寅太白晝見南斗遂歷八十餘日 公孫淵為熊王淵斬彌等屬其衆

とうせんとう

Cally Links 青龍二年三月辛卯月犯與鬼與鬼主斬殺占曰民多 奔命九月亮卒軍退將即分爭為魏所破按占太白所 龍元年夏北海王雞薨三年正月太后郭氏崩 大戰是年四月諸葛亮據渭南吳亦起兵應之魏東西 張承等向廣陵淮陽權以大衆園新城以應亮於是帝 犯在南南國敗在北北國敗此宜在熒惑南也 明帝青龍二年二月已未太白犯熒惑占曰大兵起有 自東征權及諸將乃退太和六年十二月陳王植薨青 中書

青龍二年七月已已月犯楗閉占曰天子崩又為火災 青龍二年五月丁亥太白畫見積三十餘日以晷度推 三年七月崇華殿災景初三年正月明帝崩 秦地則為秦晉及楚兵悉起應占 之非秦魏則楚也是時諸葛亮據渭南司馬懿與相持 孫權寇合肥又遣陸議孫韶等入淮沔帝親東征蜀本 春乃止正月太后郭氏崩四年五月司徒董昭薨 病國有爱又有大臣爱是年夏大疫冬又大病至三年

長星亦而芒角自東北西南流投亮營三投再還往大 蜀後主建興十二年諸葛亮即大衆伐魏屯于渭南有 青龍二年十月戊寅月犯太白占曰人君死又為兵景 次三·日三二二三 皆破敗之徵也九月亮卒于軍營而退群即交惡多相 正月明帝崩 初元年七月公孫淵叛二年正月遣司馬懿討之三年 小占曰兩軍相當有大流星来走軍上及隆軍中者 守書 + 五

討滅之 青龍三年七月已五鎮星犯東井四年三月癸卯在参 又還犯之占曰鎮星入井大人憂行近距為行陰其占 大水五穀不成景初元年夏大水傷五穀九月皇后毛 兵起一日斧鐵用大臣誅景初元年公孫淵叛司馬懿 魏明帝青龍三年六月丁未鎮星犯井鉞四年閏四月 をラロアノニー 氏崩三年正月明帝崩 乙已復犯戊戌太白又犯占曰九月五星犯井鉞悉為

青龍三年十二月戊辰月犯鉤鈴占曰王者憂景初三 遣司馬懿討滅之 青龍四年三月己已太白與月俱加丙畫見月犯太白 青龍三年十月壬申太白畫見在尾歷二百餘日恒見 景初元年七月辛卯太白又畫見積二百八十餘日占 占曰尾為熊熊臣强有兵 悉同上是時公孫淵自立為燕王署置百官發兵距守 年正月明帝崩 てこういろ とれう 宋書

青龍四年七月甲寅太白犯軒轅大星占曰女主憂景 邊兵又主刑罰九月涼州塞外胡阿畢師侵犯諸國西 青龍四年五月壬寅太白犯畢左股第一星占曰畢為 金月正左右是 為天王天下有喪劉向五紀論曰春秋星孛于東方不 青龍四年十月甲申有星孛于大辰長三尺乙酉又孛 初元年皇后毛氏崩 域校尉張就討之斬首捕屬萬許人 于東方十一月已亥彗星見犯宦者天紀星占曰大辰

景初元年十月丁未月犯炭惠占曰貴人死二年四月 魏明帝景初元年二月乙酉月犯房第二星占曰將相 震字彗主兵丧景初元年六月地震九月吳将朱然園 7 2.17 . A. A. L. 江夏荆州刺史胡質擊走之皇后毛氏崩二年正月討 言宿者不加宿也宦者在天市為中外有兵天紀為地 司徒韓暨薨八月公孫淵滅 有憂七月司徒陳矯薨二年四月司徒韓暨薨 公孫淵三年正月明帝崩 杂書

年正月明帝崩 占曰為兵丧張周分野洛邑惡之其十月斬公孫淵明 景初二年二月已丑月犯心距星又犯中央大星五月 金にていていたいか 景初二年八月彗星見張長三尺逆西行四十一日滅 月帝崩太子立卒見廢為齊王正始四年春王詢薨 已亥又犯心距星及中央大星閏月癸丑月又犯心中 王者惡之犯前星太子有愛犯後星庶子有爱三年正 央大星按占大星為天王前為太子後為皇子犯大星

景初二年十月癸已客星見危逆行在離宮北騰蛇南 圍走至星墜町被斬屠城院其眾 景初二年十月甲午月犯箕占曰軍将死正始元年四 流星長數十丈色白有芒鬣從首山北流墜襄平城東 景初二年司馬懿圍公孫淵於襄平八月丙寅夜有大 星隆當其下有戰場又曰凢星所隆國易姓九月淵突 南占曰圍城而有流星来走城上及墜城中者破又曰 月車騎將軍黃權薨 べんしのか! 人はあ | 宋書

魏齊王正始元年四月戊午月犯昴東頭第一星其年 宗廟皆王者崩殖之象也三年正月明帝崩正始二年 年六月鮮甲阿妙兒等勉西方燉煌太守王逆斬之并 二千餘級三年又斬鮮甲大帥及千餘級 十月庚寅月又犯昴北頭第四星占曰犯昴胡不安二 五月吳將朱然圍樊城司馬懿率衆距卻之 廟又為墳墓客星近離宮則宮中將有大丧就先君於 甲辰犯宗星已酉滅占曰客星所出有兵丧虚危為宗

瑾入沮中吳太子昼卒六月司馬懿討諸葛恪於睨恪 7. A. Janel As Lata 年二月丁未又犯西南星西南星主布吊占曰有錢令 正始二年九月癸酉月犯與鬼西北星西北星主金三 焚積聚棄城走三年太尉滿寵薨 軍兵動二年五月吳將全琮超芍陂朱然圍樊城諸葛 正始元年十月乙酉彗星見西方在尾長三丈拂牽 亦吳越之分太白為上將羽林中軍兵吳越有兵喪中 犯太白十一月甲子進犯羽林占曰尾為燕又為吳牛

葛恪恪棄城走五年三月曹爽征蜀 たいして ノーモ 國者嘉平元年曹爽兄弟誅 正始五年十一月癸已鎮星犯亢距星占曰諸侯有失 正始四年十月十一月月再犯井鉞是月司馬懿討諸 服賜羣臣錢各有差 正始六年八月戊午彗星見七星長二尺色白進至張 曰大臣憂三年三月太尉滿寵薨四年正月帝加元 一十三日滅七年十一月癸亥又見軫長一尺積百

南淮南東楚也此魏諸王于鄴 兵丧也嘉平元年司馬懿誅曹爽兄弟及其黨與皆夷 星張周分野翼較為楚昴為趙魏彗所以除舊布新主 欠己了いたいる一日 **族京師嚴兵實始翦魏三年誅楚王彪又襲王凌於淮** 九年正月辛亥月犯亢南星占曰兵起一曰軍将死七 正始七年七月丁丑月犯左角占曰天下有兵将軍死 指七月又見翼長二尺進至軫積四十二日減按占七 五十六日滅九年三月又見昴長六尺色青白芒西南 宋書

是失勢 魏齊王嘉平元年六月王戊太白犯東井距星二年三 正始元年七月及五鎮星犯捷閉占曰王者不宜出宮 元年曹爽等誅三年王凌等又誅 月乙亥熒惑犯畢距星占曰有邊兵一日刑罰用嘉千 與鬼占日大臣誅一日兵起三年七月王凌與楚王彪 月己未又犯占回國失政大臣為亂四月辛己太白犯 下殿明年車駕謁陵司馬懿奏誅曹爽等天子野宿於

スにのは上とから 凌計遂定 當有暴貴者以問知星人浩詳詳疑有故欲說其意不 言吳有死丧而言淮南楚分吳楚同占當有王者與故 吳而不書於魏也是時王凌謀立楚王彪謂斗中有星 行其地有死君太元二年權费是其應也故國志書於 秋云逆行按占熒惑入南斗三月吳王死一曰熒惑逆 北至熒惑逆行入南斗七月犯魁第二星而東漢晉春 有謀皆伏誅人主遂甲吳主孫權亦烏十三年五月日

嘉平三年七月已已月犯與鬼九月乙已又犯四年十 是月王凌誅四年三月吳將朱然朱異為勉鎮東將軍 嘉千三月五月甲寅月犯距星占曰將軍死一曰為兵 諸葛誕破走之 國有愛五月王凌楚王彪等誅七月皇后甄氏崩 日大臣憂三年四月戊寅月犯東井占曰軍將死一日 魏齊王嘉平二年十月丙申月犯與鬼占曰國有愛一 月丁未又犯思積尸五年七月丙午月又犯思西北

彗星見西方在胃長五六丈色白芒南指貫参積二十 滅占曰有兵丧室為後宮後宮且有亂四年三月丁酉 嘉平三年十一月癸未有星字于營室西行積九十日 亂正元元年二月李豐等謀亂誅 星占曰國有愛正元元年李豐等誅皇后張氏廢九月 齊王嘉平三年十月癸未熒惑犯亢南星占曰大臣有 帝廢為齊王 日滅五年十一月彗星又見軫長五丈在太微左執法

NAME OF THE PARTY OF THE PARTY

主

嘉平五年六月戊午太白犯角占曰羣臣謀不成正元 嘉平五年六月庚辰月犯箕占曰軍將死正元元年正 公代立 張緝等謀亂皆誅皇后亦廢九月帝廢為齊王高貴鄉 正元元年二月李豐豐弟兖州刺史翼后父光禄大夫 兵太微天子廷執法為執政字彗為兵除舊布新之象 西東南指積百九十日減按占胃充州之分参白虎主 月鎮東將軍母丘儉反兵敗死

嘉平五年七月月犯井鉞正元元年二月李豐等誅蜀 **元年李豐等謀泄悉誅**

嘉平五年十一月及酉月犯東井距星占日軍將死至 六年正月鎮東將軍豫州刺史母丘儉前將軍揚州刺 將姜維攻隴西車騎將軍郭淮討破之

長竟天王肅曰蚩尤之析也東南其有亂乎二年正月 魏髙貴鄉公正元元年十一月有白氣出斗側廣數丈 史文欽反被誅

· 尺九了1回1 / 1/2-1回 100/

宗書

三年即魏甘露二年諸葛誕又反淮南吳遣朱異救之 灾是以母丘儉以字為已應遂起兵而敗又其應也後 休代立是其應也故國志又書於吳由是淮南江東同 新之象也太平三年孫絲威兵園宮廢亮為會精王孫 吳王孫亮五鳳元年斗牛吳越分案占有兵丧除舊布 揚州地故于時變見吳楚之分則魏之淮南多與吳同 尤旗見王者征伐四方自後又征淮南西平巴蜀是歲 毋丘儉等據淮南以叛大將軍司馬師討平之案占虽

及城陷談衆吳兵死沒各數萬人猶前長星之應也

高貴鄉公正元二年二月戊午熒惑犯東井北轅西頭 占曰太白犯斗國有兵大臣有及者其明年諸葛誕反 第一星占曰羣臣有家坐罪者甘露元年諸葛誕族滅 吳孫亮太平元年九月壬辰太白犯南斗吳志所書也 又明年孫綝廢亮吳魏並有兵事也

次定の事主書 又犯鉞星二年八月壬子歲星犯井鉞九月庚寅歲星 宋書

魏髙贵鄉公甘露元年七月乙卯熒惑犯井鉞壬戌月

甘露二年十一月彗星見角色白占曰彗見两角間色 君爱景元元年有成濟之變 甘露二年十月丙寅太白犯亢距星占曰廷臣為亂人 甘露元年八月辛亥月犯箕占曰軍将死九月丁已月 髙貴鄉公敗 甘露二年六月已酉月犯心中央大星景元元年五月 犯東井占曰軍將死二年諸葛誕誅 又逆行乗鐵星三年諸葛誕夷減 K 2.10 5 . 2. 4.5 **鬼東南星主兵木入鬼大臣詩景元元年高貴鄉公敗** 甘露三年三月庚子太白犯東井占曰國失政大臣為 白者軍起不戰那有大喪景元元年高貴鄉公師左右 臣誅甘露四年四月甲申歲星又犯與鬼東南星占曰 甘露三年八月壬辰歲星犯輿思質星占曰斧質用大 亂是夜歲星又犯東井占曰兵起至景元元年高貴鄉 兵襲晉文王未交戰為成濟昕害

憂又曰大臣爱後四年鄧艾鍾會皆夷滅五年帝逃位 景元二年四月熒惑入太微犯右執法占曰人主有大 星大臣相諧是後鍾會鄧艾破蜀會諧艾遂皆夷滅 魏陳留王景元元年二月月犯建星案占月五星犯建 公被害 積七日滅占日客星出太微有兵丧景元元年高貴郷 殺尚書王経 甘露四年十月丁丑客星見太微中輔東南行歷軫宿

金罗匹尼 人言

苯二十三

景元三年十一月壬寅彗星見亢色白長五丈轉北行 ところう 人に百一 蜀二星蓋二帥之象二帥相背又分流南北之應鍾會 景元四年六月大流星二並如斗見西方分流南北光 鍾會鄧艾伐蜀克之會艾反亂皆誅魏遜天下 |積四十五日滅占為兵喪||曰彗見亢天子失徳四年 景元四年十月歲星守房占曰將相有憂一曰有大赦 照隆隆有聲案占流星為貴使大者使大是年鍾鄧克 既叛三軍憤怒隆隆有聲兵將怒之徵也 宋書 二十二

晉武帝太始四年正月丙戌彗星見軫青白色西北行 表除舊布新之象白色為喪王良在東壁宿又并州之 分也八月晉文王薨十二月帝遜位于晉 指積十二日滅占曰王良天子御駟彗星掃之禪代之 陳留王咸熙二年五月彗星見王良長丈餘色白東南 明年正月太尉鄧艾司徒鍾會並誅減特赦益土成熙 又轉行占曰為兵喪軫又楚分也三月皇太后王氏崩 二年秋又大赦

流吳民歸晉之象也二年吳夏口督孫秀率部曲二千 太始四年七月星隕如雨皆西流占曰星隕為民叛西 餘人来降 刺史胡烈等破却之 十年武元楊皇后崩 太始十年十二月有星孛于軫占曰天下兵起軫又楚 太始五年九月有星字於紫宮占如上紫宮天子內宮 十月吳將施績寇江夏萬或寇襄陽後將軍田璋荆州

- C 5.10 :01 /1.1.10

宋書

ニャン

並為王者明年吳已是其應也字主兵丧征吳之役三 胃胃徐州分四月星字女御女御為後宮五月又字于 至翼北斗三台占曰太微天子廷大人惡之一曰有徙 柳占曰外臣陵主柳又三河分也大角太微點宮女御 東方七月星字紫宮占曰天下易主五年三月星字于 王翼又楚分也北斗主殺罰三台為三公三年星字于 又究州分七月星字大角大角為帝坐八月星字太微 分也咸寧二年六月星字于氏占曰天子失德易政氏

晉氏隆威吳實滅天變在吳可知矣昔漢三年星孛大 東方則楚滅陳三家田氏分篡齊晋漢文帝末星字西 孛北方則齊魯晉鄭陳宗莒之君並受殺亂之禍星孛 泉戮十數偏神行陣之徒馘斬萬計皆其徵也春秋星 角項籍以亡漢氏無事此項先主命故也吳晉之時天 方後吳楚七國誅滅案太始末至太康初災異數見而 河徐充之兵悉出交戰於吳楚之地吳丞相都督以下 尺ろしつら 人はし 下横分大角字而吳亡是與項氏同事後學皆以咸寧

一咸寧四年九月太白當見不見占曰是謂失舎不有破 丈皆長星也魏高貴時則為白氣案校衆記是歲無長 をラレアを イニー 軍必有死王之墓又有亡國是時羊祜表求伐吳上許 星宜又是異氣後二年傾三方伐吳是其應至武帝崩 晉武帝咸寧四年四月蚩尤旗見案星傳蚩尤旗類彗 災為晉室非也 天下兵又起逐亡諸夏 而後曲象旗漢武帝時見長竟天獻帝時又見長十餘

之五年十一月兵出太白始夕見西方太康元年三月 寅任城王陵薨五月已亥琅邪王仲薨十一月戊午新 晉武帝太康二年八月有星字于張占曰為兵丧周分 都王該薨 太康八年三月熒惑守心占曰王者惡之太熙元年四 月戊申星孛于西南四年三月癸丑齊王攸薨四月戊 野災在洛邑十一月星字軒轅占曰後宮當之四年三 大破吳軍孫皓靣縛請死吳國遂亡 Mary Bridge 宋書 元


應 為兵丧太康末武帝耽宴遊多疾病是月已酉帝崩永 殺是年又誅汝南王亮太保衛雅楚王璋王室兵丧之 平元年賈后誅楊駁及其黨與皆夷三族楊太后亦見 斗主爵禄國有大憂一日字于斗王者疾病臣誅其父 太康八年九月星字于南斗長數十丈十餘日滅占日 金ラヒアノニー 天下易政大亂兵起太熙元年四月客星在紫宫占日 月乙酉武帝崩

The Control of the Co		
7.本 4.8日		
5+		

嘉平三年五月甲寅月犯距星〇距上當有脱字 又作小渾天徑二尺二寸周六尺六寸以分為一度〇 天文志一減甄耀度考異郵五十五萬七千三百一十 必有遺字 臣永祥按以分為一度則周不應六尺六寸分字上 宋書卷二十三考證 二里有奇○臣永祚按照算應五十五萬八千三百 十二里有奇

人人からつ・1 人に回

来書



大いり里台等	元康三年四月熒惑守太微六十日占日諸侯三公謀	不足地動陰有餘是時人主拱點婦后專制	晉惠帝元康二年二月天西北大裂按劉向說天裂陽	天文二	志第十四	瀜	宋書卷二十四	欽定四庫全書
	日占日諸侯三公謀	婦后專制	裂按劉向說天裂陽			約撰		

為三司大陵有積屍死丧之事明年武庫火西羌反後 **贾后陷殺太子趙王廢后又殺之斬張華裴頹遂篡位** 鎮威太白三星聚于畢昴占曰為兵丧畢昴趙地也後 其上必有斬臣一曰天子已國是春太白守畢至是百 金ラレアへ 占曰奎為魯又為庫兵軒轅為後宮太微天子廷三台 元康五年四月有星字于奎至軒轅太微経三台大陵 廢帝為太上皇天下從此遭亂連禍 餘日占日有急令之憂一曰相已又為邊境不安是年

王倫篡位於是三王興兵討倫士民戰死十餘萬 欠三日和全 羽林占曰禁兵大起後二年惠帝見廢為太上皇俄 五年司空張華遇禍賈后廢死魯公賈證誅又明年趙 因自篡盜以至屠滅以亂伐亂兵丧臣彊之應也 元康九年二月熒惑守心占曰王者惡之八月熒惑、 十月太白畫見後趙王殺張裴廢賈后以理太子之宛 以亂伐亂北斗主執殺出斗魁居中執殺者不直象也 元康六年六月丙午夜有枉矢自斗魁東南行按占曰 宋書

安二年石氷破揚州 空張華又廢帝自立於是三王並起选總大權 畫見為不臣是月賈后殺太子趙王倫尋廢殺后及 司 晉惠帝永康元年三月妖星見南方中台星圻太白晝 吳分也是時趙王倫為相明年篡位三王與師誅之太 見占曰妖星出天下大兵將起台星失常三公憂太白 三王起兵討倫倫悉遣中軍兵相距累月 生をした とう 永康元年五月熒惑入南斗占曰宰相死兵大起斗又

彗出牵牛之西指天市占日牛者七政始彗出之改元 晉惠帝永寧元年自正月至于閏月五星互経天星傳 易錦之象也天市一名府一名天子祺帝座在其中明 次七四車五書 起兵討趙王倫倫滅冏擁兵不朝專權滛侈明年誅死 臣為亂四月彗星見齊分占日齊有兵丧是時齊王問 永康二年二月太白出西方逆行入東井占曰國失政 永康元年八月熒惑入箕占曰人主失位兵起十二月 年趙王篡位改元尋為大兵所滅 帝書

悉經天天變所未有也石氏說曰辰星畫見其國不已 畫而星見午上者為経天其占為不臣為更王今五星 占曰木守唐危有兵憂一曰守虚飢守危徭役煩下屈 永寧元年五月太白晝見占同前條七月歲星守麼危 强迭據華夏亦載籍町未有也 則大亂是後台鼎方伯互秉大權二帝流已遂至六夷 竭辰星入太微占日為內亂一日羣臣相殺太白守右 曰日陽君道也星陰臣道也日出則星 已臣不得專也 メンドノレ・ル べこ 次三四軍令書 一 鬭于虚危占曰大兵起破軍殺將虚危又齊分也十二 掖門占曰為兵為亂賊八月戊午鎮星犯左執法又犯 易相初齊王冏定京都因留輔政遂專傲無君是月成 月炭感襲太白于營室占曰天下兵起已君之戒一曰 左將軍死天下有兵 **鬼占曰秦有災九月丁未月犯左角占曰人主憂一曰** 二年四月癸酉歳星晝見占曰為臣彊十月熒惑太白 一相占曰上相憂熒惑守昴占曰趙魏有災辰星守與 杂書

晉惠帝太安二年二月太白入昴占曰天下擾兵大起 成都攻長沙於是公私飢困百姓力屈 都河間檄長沙王人討之問人交戰攻焚宮閥冏兵敗 将占曰上將将以兵已是年冬成都河間攻洛陽三年 七月熒惑入東井占曰兵起國亂是秋太白守太微上 夷滅又殺其兄上軍將軍寔以下二十餘人太安二年 正月東海王越執長沙王人張方又殺之 三月彗星見東方指三台占曰兵丧之象三台為三公

太安二年八月長沙王奉帝出距二王庚午舎子玄武 勒攻略并州多所残滅王浚起熊代引鮮甲攻掠鄴中 按占名曰熒首熒首所在下有大兵流血明年劉淵石 太安二年十一月辛已有星晝隕中天北下有聲如雷 之象也是時長沙王擅權後成都河間東海又选專威 館是日天中裂為二有聲如雷三占同元康臣下專僭 命是其應也 てこうられる 百姓塗地有聲如雷怒之象也 宋書

帝伐成都六軍敗績兵逼乗與九月王浚又攻成都于 惑又犯歲星占日有大戰七月左衛将軍陳 聯率 浓奉 二月壬寅太白犯月占曰天下有兵太安三年正月已 太安二年十一月庚辰歲星入月中占日國有逐相十 金少巴尼台 晉惠帝永與元年五月客星守畢占曰天子絕嗣一曰 **鄴鄴潰成都王由是丧臣帝還洛張方脅如長安是時** 天下盜賊羣起張昌尤盛後二年惠帝崩 邓月犯太白占同青龍熒惑入南斗占同永康是月熒 卷二十四

大臣有誅七月唐申太白犯角亢経房心歷尾箕九月 人とり こんこう 亂揚土劉淵石勒李雄等並起微賤跨有州郡皇后羊 氏數被幽廢光熙元年惠帝崩終無繼嗣 州刺史和演攻鄴鄴潰於是克豫為天下兵衝陳敏又 幽真楊州之兮也是年七月蕩陰之役九月王浚殺幽 心為兵喪犯尾將軍與民人為變犯算女主憂一日天 入南斗占曰犯角天下大戰犯亢有大兵人君憂入房 下亂入南斗有兵丧一日將軍為亂其所犯守又死豫 乐書

星守東井占曰有兵井又秦分也是年尚晞破公師番 生にちとして 張方破范陽王旭關西諸将攻河間王顒顒奔走東海 月丁丑赤氣見在北方東西竟天占日並為大兵碎隱 永與元年十二月壬寅夜赤氣亘天碎隱有聲二年十 永興二年四月丙子太白犯狼星占曰大兵起九月歳 按劉向說民去其土之象也是後逐已中夏 永興元年七月乙丑星隕有聲二年十月星又隕有聲 有聲怒之象也是後四海雲擾九服交兵

王迎般之 崩 次定四車全書 一 走又曰殭國發兵諸侯爭權是後皆有其應明年惠帝 永典二年八月星字于界軍占日為兵丧昴軍又趙魏 白失行而北是謂返生不有破軍必有屠城五月汲桑 晉惠帝光熙元年四月太白失行自翼入尾箕占曰太 攻鄴魏郡太守馮萬出戰大敗桑逐害東燕王騰殺萬 分也十月丁丑有星字于北斗占曰骣璣更授天子出 宋書

星中房心又犯歲星占日土中房多禍丧中心國内亂 光熙元年九月丁未熒惑守心占曰王者惡之己亥填 時司馬越西破河間奉迎大駕尋收終盾何綏等肆其 天下赦又日填與歲合為內亂是時司馬越東權終以 無君之心天下惡之死而石勒焚其屍柩是其應也 光熙元年五月枉矢西南流占曰以亂伐亂之象也是 無禮破滅內亂之應也十一月惠帝崩懷帝即位大赦 餘人焚燒魏時宮室皆盡 欠己日本と「豆」 殺諸葛玫等五月汲桑破馮萬殺東熊王八月的晞大 戦是後河間王為東海王越 形殺明年正月東海王越 光熙元年十二月癸未太白犯填星占曰為內兵有大 破汲桑 北毒流天下 見五日乃滅占曰大兵起明年王彌起青徐汲桑亂河 光熙元年十二月甲申有白氣若虹中天北下至地夜 宋書

象也司馬越忽魏郡以東平原南皆黨於桑悉以賞甄 等於是侵略亦地有聲如雷怒之象也 既為汲郡太守弟蘭鉅鹿大守小星相隨小将别即少 孝懷帝永嘉元年九月辛卯有大星自西南流于東北 征北將軍鎮鄰而田甄等大破汲桑斬于樂陵於是 五月汲桑殺東燕王騰逐據河北十一月始遣和郁為 小者如升相隨天盡赤聲如雷占曰流星為貴使是年 **水嘉元年十二月丁亥星流霞散案劉向説天官列宿**

帝崩虜庭中夏淪覆 之象也是後天下大亂百官萬民流移轉死矣 必無洛陽五年六月劉曜王彌入京都燒宮廟帝崩五 又為火烧宮是時太史今高堂沖奏乗與宜遷幸不然 在位之象小星無名者庶民之類此百官庶民將流散 永嘉三年正月庚子熒惑犯岚微占曰當有野死之王 方是謂當見不見占同上條其後破軍殺將不可勝數 永嘉二年正月庚午太白伏不見二月庚子始晨見東

次定四車全書

起地至天贯参伐占曰天下大兵起四年三月司馬越 是時安東琅邪王始有楊土其年十一月地動陳卓以 越死於審平城石勒攻破其衆死者十餘萬人六月京 收終清終播等又三方雲擾攻戰不休五年三月司馬 永嘉三年十二月乙亥有白氣如帯出東南北方各二 為是地動應也 永嘉三年鎮星久守南斗占曰鎮星所居者其國有福 たけんじいん 卷二十四

虚位災在帝也六月丁卯太白犯太微占日兵入天子 進退按占日牛揚州分是後兩都傾覆而元帝中與揚 都焚滅帝却勇庭 火合曰燥為丧是時帝雖却于平陽天下猶未敢居其 愍帝建武元年五月癸未太白炭惑合於東井占日全 土是其應也 というしていない 永嘉六年七月熒惑歲星填星太白聚牛女之間裴回 水嘉五年十月熒惑守心後二年帝崩于虜庭

六月丙辰太白與歲星合于房占日為兵餓九月太白 翼軫占曰枉矢所觸天下之所伐翼軫荆州之分也五 歲星在翼占日為兵亂三年四月壬辰枉矢出虚危沒 晉元帝大與元年七月太白犯南斗占曰吳越有兵大 月戊子太白入太微又犯上将占曰天子自將上將誅 廷王者惡之七月愍帝崩于鬼庭天下行服大臨 人憂二年二月甲申熒惑犯東井占曰兵起貴臣相戮 八月已卯太白犯軒轅大星占日後宮愛七未太白犯

金りせると言

意若曰刑理失中自毀其法也四年十二月丁亥月犯 歲星在房占日其國兵機民流已永昌元年三月王敦 憂守五諸侯諸侯有誅者十二月已未太白入月在斗 次定四車全書 一 率江荆之衆來攻京都六軍距戰敗績於是殺護軍 郭景純日月屬坎陰府法家也太白金行而來犯之天 **踟蹰留止猜三十日占曰熒惑守井二十日以上大,** 軍周顗尚書令刁協驃騎將軍劉隗出奔四月又殺 犯南斗占同元年十月已亥熒惑在東井居五諸侯南 来書

憂逼前天子幽劫于石頭遠近兵亂至四年乃息 者惡之閏八月帝崩咸和二年蘇峻反攻宮室太后以 成帝咸和四年七月有星孛于西北二十三日滅占曰 宁壽春 明帝大寧三年正月熒惑逆行入太微占曰為兵丧王 父鉅二縣民以北刺史祖約遣軍追之為其所沒遂退 年敦亦梟夷柱矢觸翼之應也十月石他入豫州略城 州刺史熊王承鎮南將軍甘卓閏十二月元帝崩間

贼又略南沙海虞民是年正月大赦伐淮南討襄陽千 是月胡賊殺略婁武進二縣民於是遣戌中洲明年胡 咸和六年正月两辰月入南斗占曰有兵一曰有大赦 咸和六年十一月熒惑守胃昂占曰趙魏有兵八年七 討點明年斬之是時石勒又始僭號 次正马車全書一 為兵亂十二月郭黙殺江州刺史劉涓荆州刺史陶侃 月石勒死石虎自立多所殘滅是時雖勒虎僭號而其 宋書

成和八年三月已已月入南斗與六年占同其年七月 咸和八年七月熒惑入昴占曰胡王死石虎多所攻滅 是遣督護高球率衆救彪彪敗球退又石虎石斌攻滅 强弱常占於界不關太微紫宮也 メニジモブ 生權咸康元年正月大赦 石勒死彭彪以熊石生以長安郭權以秦州並歸從於 月月犯昴占日胡不安九年六月月又犯昴是時石 雖襲勒位而石虎擅威暴横十月廢弘自立逐幽殺 ノニー

是時胡賊又園襄陽征西將軍庾亮遣寧距退之六月 旱四月石虎掠騎至歴陽朝廷慮其衆也加司徒王導 **吹定四車全書** 咸和九年三月已亥熒惑入輿鬼犯積屍占曰兵在西 大司馬治兵動衆又遣慈湖牛渚蕪湖三戊五月乃罷 晉成帝咸康元年二月已亥太白犯昴占曰兵起歳大 州歸從尋為石斌所滅徙其衆於青徐 北有沒軍死將四月鎮西將軍雍州刺史郭權始以秦 1

破秋并属逐殺之 界二年 **咸康元年三月丙戌月入昴占曰胡王死十一月月犯** 咸康元年八月戊辰熒惑入東井占曰無兵兵起有兵 不尅引退皝追之殺數百人虎留其將麻秋屯令支 四年 兵止是年 一月自襲段遼于薊遼奔敗又攻慕容皝於棘城 八月月又犯昴占同咸和三年石虎發眾七萬 夏發眾列戊加王導大司馬以備胡賊

尺已了三日本 咸康二年九月庚寅太白犯南斗因畫見占曰斗為字 五年七月丞相王導薨八月太尉都鑒薨六年征西大 咸康二年正月辛卯月犯房南第二星占日將相有憂 將軍庾亮薨 咸康二年正月辛已彗星夕見西方在奎占日為兵丧 麻秋時號稱蕃邊兵之應也 奎又為邊兵四年 石虎伐慕容皝不尅皝追擊之又破 又揚州分金犯之死丧象畫見為不臣又為兵丧

薨庾冰代輔政太尉都鑒征西大將軍庾亮薨 戊子月犯建星占曰易相一日大將死五年丞相王導 蕃臣五年王道寺薨 **咸康三年、** 地出奎中沒婁北案占為飢五穀不藏是月大旱 咸康三年六月辛未有流星大如二斗魁色青赤光 年石虎僭稱天王四年虎滅段遼而敗於慕容皝皝國 八月甲戌月犯東井距星占曰國有憂將死三年九月 八月熒惑入與鬼犯積屍占曰貴人愛三年

二月石虎破幽州遷其人萬餘家李壽殺李期五年胡 咸康四年四月已已太白畫見在柳占日為兵為不臣 咸康三年十一月乙丑太白犯歳星占日為兵飢四年 次2日東全書 城投江死於是內外戒嚴左衛桓監匡術等諸軍至武 七月乙巳月掩太白占曰王者已地大兵起明年胡賊 殺略五千餘 **眾五萬鬼沔南略七千餘家而去又騎二萬圍陷邾城** 勉污南陷邾城豫州刺史毛寶西陽太守樊俊皆棄 宋書 十五

咸康五年四月辛未月犯歳星在胃占曰國飢民流し 者愛九月太白犯右執法案占五星災同金火尤甚十 **咸康四年五月戊午熒惑犯右執法占曰大臣死執政** 未月犯畢距星占曰兵起是夜月又犯歲星在昴及冬 昌乃退七年慕容皝自稱為燕王 月犯房上星亦同占是月座申丞相王導薨 有沔南邾城之敗百姓流巨萬餘家 月戊子太白犯房上星占日上相憂五年七月已酉

成康六年二月唐午朔流星大如斗光雅地出天市西 薨皆大將執政之應也是歲正月在西將軍庾亮薨三 成康六年三月甲寅熒惑從行犯太微上将星占曰上 行入太微占日大人當之七未大白八月占日人主死 執法有禮欲避其咎明年求為中書令建元二年庾冰 亥月犯牵牛中央星占曰大将憂是時尚書令何充為 將憂四月丁丑熒惑犯右執法占曰執法者憂六月乙 四月甲子月犯太白占日人主惡之八年六月成帝崩 スコンシューハー

惑犯房上第二星占曰次相憂建元二年車騎將軍江 成康七年三月壬午月犯房占曰将相憂八年六月熒 多りでたとこ 州刺史庾冰薨是時驃騎將軍何充居內冰為次相也 女主憂六月乙卯太白犯軒轅大星占曰女主憂七年 咸康六年四月丙午太白犯畢距星占曰兵革起一曰 方麂豈冰能修德移禍於變安乎 月而熒惑犯上將九月石虎大將變安死庾冰後積年 月皇后杜氏崩 卷二十四

成康七年四月已丑太白入輿鬼占曰兵革起五月太 起其後庾真大發兵謀伐胡專制上流朝廷憚之 咸康八年八月壬寅月犯畢赤星占曰下犯上兵革起 白畫見以學度推之非秦魏則梦也占曰為臣殭為有 十月月又掩畢亦星占同已酉太白犯熒惑占曰大兵 兵八月辛丑月犯輿鬼占曰人主愛八年六月成帝崩 曰天下兵起四月乙酉太白晝見八月丁未太白犯歳 康帝建元元年正月壬午太白入昴占曰趙地有兵又

次記の車を書る

水書

星占日有大兵是年石虎殺其太子遂及其妻子徒屬 建元元年歲星犯天關安西將軍庾翼與兄冰書曰歲 建元元年十一月六日彗星見亢長七尺尾白色占日 亢為朝廷主兵丧二年九月康帝崩 星犯天關占云關梁當溢比来江東無他故江道亦不 艱難而石虎頻年再閉關不通信使此復是天公情愦 人屯薊東謀慕容皝 二百餘人又遣將劉寧鬼沒狄道又使將張舉將萬餘 なりしん へこ

建元二年閏月乙酉太白犯斗占日為丧天下受爵禄 晉穆帝永和元年正月丁丑月入畢占曰兵大起戊寅 九月康帝崩太子立大赦賜爵也 無皂白之徵也 見在東井占曰為臣殭秦有兵六月辛五入太微犯屏 月犯天關占曰有亂臣更天子之法五月辛已太白晝 已未月犯輿鬼占曰大臣有誅九月康戌月又犯畢是 西南占曰輔臣有免罷者七八月月皆犯畢占同正月 欠いり事からす 彩書

臣去五月壬申月犯南斗第四星因入魁占曰有兵 永和三年正月壬午月犯南斗第五星占曰將軍死近 被廢 永和二年二月壬子月犯房上星四月丙戊月又犯房 刺史代已任爰之尋被廢明年桓温又輕率衆伐蜀執 上星占同前八月壬申太白犯左執法是歳司徒祭謨 李勢送至京都蜀本秦地也 年初庾翼在襄陽七月翼疾將終轍以子爰之爲荆州

悉同上十月甲戌月犯亢占曰兵起軍將死十 星占曰為丧兵四年七月丙申太白犯左執法甲寅月 **戊犯上將星三年六月大赦是月陳達征壽春敗而還** 七月氏蜀餘寇反亂益土九月石麂伐涼州不克 犯房丁巳月入南斗犯第二星乙丑太白犯左執法占 犯五諸侯占曰諸侯有誅九月庚寅太白犯南斗第五 日大赦六月月犯東井距星占日將死國有憂戊戊月 大字可車三二三 **永和四年四月太白入昴五月熒惑入婁犯鎮星七月** 一月戊

戍太白犯左角占曰為兵十月月犯昴占曰朝廷有憂 太子宣殺弟韜宣亦死五年正月石虎僭稱皇帝尋病 太白犯軒轅占在趙及為兵丧女主憂其年八月石虎 軍將死十一月乙卯彗星見于亢芒西向白長一丈占 日為兵喪是年八月褚裒北征兵敗十月關中二十餘 **永和五年四月丁未太白犯東井占曰秦有兵九月戊** 死是年褚裒北伐丧眾又尋薨太后素服六年正月朝

壁舉兵歸從石遇攻沒南陽十一月再閱殺石遵又盡 殺胡十餘萬人於是中土大亂十二月褚裒薨八年劉 永和六年二月辛酉月犯心大星占曰大人愛心豫州 顯符健慕容儁並僭號殷浩北伐敗見廢 死一日天下有兵丁未月犯箕占曰軍將死丙寅裝 占同三年七月壬寅月始出西方犯左角占曰大将軍 占曰為戦六月已五月犯昴占同上乙未月犯五諸侯 分也丁丑月犯房占曰將相憂三月戊戌熒惑犯歲星

九三月年五十三

来書

惑犯軒轅太白占曰女主愛太白入畢口犯左股占曰 執法占悉同上七年劉顯殺石祗及諸胡即中土大亂 太微犯右執法八月庚午太白犯軒轅戊子太白犯右 將相當之六月乙亥月犯箕丙子月犯斗丁五熒惑入 同上し夘熒惑輿鬼犯積屍占曰貴人憂五月し未勞 在南斗月犯右執法占並同上七年二月太白犯昴占 犯鐵星占曰大臣有誅八月辛卯月犯左角太白畫見 - 萬數各還舊土互相侵略及病疫死已能達者 卷二十

をグレスへこ

七月壬子歲星犯東井距星占曰內亂兵起八月戊戌 箕斗之間益燕分也案占為營首營首之下流血滂沲 第二星五月月犯心星四月癸酉月犯房六月辛已日 永和八年三月戊戌月犯軒轅大星癸丑月入南斗犯 未入有流星如三斗魁從辰已上東南行晷度推之在 敗被廢十年桓温伐存健不克而還 てこういる といか |三是年桓温輙以大衆求浮江入淮北伐朝廷震 年豫州刺史謝尚討張遇為持雄所敗殷浩北伐 主

慕容儁僭稱大熊攻伐無已故災異數見殷浩見廢也 熒惑入與鬼占日忠臣戮死丙辰太白入南斗犯第四 星占曰将為亂一曰丞相免九年二月乙已月入南斗 奄鉞星占日斧鉞用二月甲申月犯心大星占曰王者 占東南星主兵兵起十二月月在東井犯歲星占日秦 犯第三星三月戊辰月犯房八月歲星犯與鬼東南星 水和十年正月乙卯月食昴占日趙魏有兵癸酉鎮星 飢民流是時帝主幼冲母后稱制将相有際兵革連起

聲如雷占曰燕齊有兵民流戊午月犯心大星七月庚 欠三日草全 七月丁卯太白犯填星在柳占曰周地有大兵八月癸 惡之四月癸未流星大如斗色赤黄出織女沒造父有 年六月唐子太白書見在東井占如上已未月犯鐵星 月辛亥月奄軒轅占同上四月庚寅月犯牛宿南星占 執法十一月月奄填星在輿鬼占曰秦有兵十一年三 午太白畫見點度推之災在秦鄭九月辛酉太白犯左 日國有憂八月已未太白犯天江占日河津不通十二 杂書

健破其尧柳衆軍健壁長安温退十二月慕容恪攻齊 年慕容儁遂據臨漳盡有幽并青蓮之地緣河諸將漸 陷執段龜殺三千餘人水和末鮮甲侵略河冀升平元 贬三等是時權在方伯九服交兵故譴象仍見 十二年八月桓温破姚萇於伊水定周地十一月齊城 酉月奄建星九月戊寅熒惑入太微犯西蕃上將星十 奔散河津隔絕矣三年會稽王以都曇謝萬敗績求自 月丁丑炭惑犯太微東蕃上相十年四月桓温伐行

災二年二月辛卯填星犯軒轅大星甲午月犯東井閏 歲星犯房壬午月在歲星在房占日民飢一日豫州有 成太白晝見在較占同上較楚分也壬子月犯畢占日 在胃度中彗為兵丧除舊布新出天船外夷陵一日為 井南轅西頭第二星占曰秦地有兵一曰將死六月戊 晉移帝升平元年四月壬子太白入與思丁亥月奄東 為邊兵七月辛已熒惑犯天江占曰河津不通十一月 次定四年全等 一〇 月乙亥月犯蔵星在房占悉同上五月丁亥彗出天船 宋書

牵牛天将也犯中央星大将軍死八月丁未太白犯軒 太白犯與鬼占悉同上戊子月犯牽牛中央大星占曰 者惡之月犯太白在昴占曰人君死一曰趙地有兵朝 廷不安六月太白犯東井七月乙酉熒惑犯天江丙戊 楗閉案占人主憂三月乙酉熒惑逆行犯鉤鈴案占王 矢自東南流于西北其長半天三年正月壬辰熒惑犯 日兵大起張三河分十月已未太白犯哭星十二月枉 大水六月辛酉月犯房八月戊午熒惑犯填星在張占

午太白犯填星在太微中占曰王者惡之二年五月關 轅大星甲子月犯畢大星占曰為邊兵—曰下犯上庚 人こうら からう 年五月穆帝崩 徒會稽王以二鎮敗求自貶三等四年正月慕容俊死 将軍豫州刺史謝奕薨三年十月諸葛攸舟軍入河敗 中氏即殺符生立堅十二月慕容儁入屯鄴八月安西 績豫州刺史謝萬入賴衆潰而歸除名為民十一月司 子暐代立慕容殺其尚書令陽騖等五月天下大水五 宋書 二古


臣不臣八月戊申太白犯成占曰國有憂丙辰熒惑犯 為喪有赦天下受爵祿十月庚戊天狗見西占日有大 太微西上将九月壬午太白入南斗口犯第四星占曰 升平四年正月乙亥月犯牽牛中央大星占曰大将死 **兵血流十二月甲寅熒惑犯房丙寅太白晝見庚寅月** 右掖門從端門出占曰貴奪勢一曰有兵又曰出端門 六月辛亥辰星犯軒轅占曰女主憂已未太白入太徵 犯楗閉占曰人君惡之五年正月乙已填星逆行犯太

TX ALL DISC AND TANK **升平五年六月癸酉月奄氐東北星占曰大將當之九** 乃退 立大赦賜爵褚后失勢七月慕容恪攻集州刺史呂護 國有憂五年正月北中郎將都曇薨五月移帝崩哀帝 微乙丑辰時月在危宿奄太白占曰天下民靡散三月 **庚戌月犯建星占曰大臣相語辛亥月犯牵牛宿占曰** 於野王拔之護奔滎陽是時桓温以大衆次宛聞護敗 未月犯填星在軫占日為大丧五月壬寅月犯太微 宋書 主

喪三年正月皇后王氏崩二月哀帝崩三月慕容恪攻 與寧元年十月丙戌月奄太白在須女占曰天下民靡 晉哀帝與寧元年八月星字大角九入天市按占為兵 **暐遣傅末波寇河陰陳祐危逼** 洛陽沈勁等戦死 占曰下犯上又曰有邊兵八月范汪廢隆和元年慕容 室占曰大臣有匿謀一曰衛地有兵丁未月犯畢亦星 月し酉奄畢占曰有邊兵十月丁卯熒惑犯歳星在營 大三日十年三 鬼占曰人君憂十月太白晝見在亢占曰亢為朝廷有 益州以叛朱序率衆助刺史周楚討至之 散一曰災在揚州三年洛陽沒其後桓温傾揚州資實 鎮西將軍益州刺史周撫薨十月梁州刺史司馬敷 興寧三年七月庚戊月犯南斗占曰女主憂歳星犯輿 興寧三年正月乙卯月奄蔵星在参参益州分也六月 討鮮甲敗績死已太半及征袁真淮南殘破後氏及東 胡侵逼兵役無已 飛書

太和二年八月戊午太白犯蔵星在太微三年六月甲 堅所滅司異幽并四州並屬氏 晉海西太和元年二月丙子月奄熒惑在参占日為內 寅太白奄熒惑在太微端門中六年海西公廢 兵丧為臣彊哀帝是年二月崩其災皆在海西也明年 太和四年二月客星見紮宮西垣至七月乃滅占曰客 五月皇后庾氏崩 日参魏地二年正月太白入界五年慕容暐為行

壽春真病死息瑾代立求救於苻堅温破氏軍六年壽 暈斗柄三星占曰王者惡之六年桓温廢帝 春城陷聲如雷將士怒之象也 星中常宮臣殺主閏月し亥月暈較復有白暈貫月北 次七日車 全書 諸侯三公謀其上一曰有斬臣辛卯月犯心大星占曰 太和六年閏月熒惑守太徴端門占曰天子已國又曰 為貴使星大者使大明年遣使免表真為無人桓温征 太和四年十月壬申有大流星西下聲如雷案占流星 乐書



大きりる こう 天文志二按占名曰裝首裝首所在下有大兵流如〇 永昌元年三月王敦率江荆之衆〇監本誤提起另為 桓温伐苻健破其堯柳衆軍〇堯晉書作曉 營頭即裝首也 臣永祚按宗史天文志營頭星所墜下有覆軍流血 宋書卷二十四考證 行今改正

欽定四庫全書史部

詳校官編修臣李 潢 洗馬臣王坦修覆勘

覆校官助教臣具省蘭 校對官助教臣金學詩

腾绿监生臣毛 祀

C. O 101 / 1.1.19 **西班牙阿拉马西西西班牙** Contraction (C) 約 **感逆行入太微** 時帝有桓温之逼恒 撰 咸安二年五月丁未太白犯天關占曰兵起六月庾希 故事温聞之大怒將誅坦之等内亂之應也是月帝崩 國有憂七月帝疾甚部桓温曰少子可輔者輔之如不 為臣强六月太白畫見在七星乙酉太白犯興鬼占曰 行主無福歲星囚於仲夏當細小而明此其失常也又 五月歲星形色如太白占曰進退如度新邪息變色亂 咸安二年正月已酉歳星犯填星在湏女占曰為內 亂 可君自取之賴侍中王坦之毀手詔改使如王導輔政

左子甲屋 合言

寧康二年正月丁已有星字于女虚經氏亢角軫翼張 管室占日金火合為縣此災皆為兵丧太元元年五月 とこりと とこす 晉孝武寧康元年正月戊申月奄心大星案占災不在 **氐贼将堅伐凉州七月氐破涼州屬張天錫十一月** 五星占日大臣有憂愛死亡一日将軍死七月桓温薨 九月丁丑有星字于天市十一月癸酉太白奄熒惑在 王者則在豫州一曰主命惡之三月丙午月奄南丰第 (京城十一 一月盧悚入宮並誅滅 宋書

戊申熒惑奄左執法占曰執法者死太元元年符堅破 寧康三年六月辛卯太白犯東井占曰秦地有兵九月 涼州十月尚書令王彪之卒 寧康二年閏月已未月奄牽牛南星占曰左將軍死三 晋孝武太元元年四月丙戊熒惑犯南斗第三星丙申 年五月北中即將王坦之薨 金りしたです 又在第四星占日兵太起中國飢一日有赦八月癸酉 冲發三州軍軍淮泗桓豁亦遣軍備境上

ヤスララーシュー 廣陵三河衆五萬於是征屬謝石次除中右衛毛安之 樊鄧慕容暐圍襄陽氏兖州刺史彭超圍彭城四年二 羽林占曰天子有哭泣事中軍兵起十一月已未月奄 太白畫見在氐氐兖州分野九月熒惑犯哭泣星遂入 月襄陽城陷賊獲朱序彭超拾彭城獲吉挹彭超等聚 年五月大赦三年八月氐贼韋鍾入漢中東下苻融寇 林占曰禁兵大起九月壬午太白晝見在角兖州分元 左角占曰天子有兵一曰國有憂三年六月熒惑守羽

太元六年十月乙卯有奔星東南経異較聲如雷星説 時中外連兵比年荒儉是年又發揚州萬人戊夏口 未皇后王氏崩 太元四年十一月丁巳太白犯哭星占曰天子有哭泣 衛京都六月兖州刺史謝玄討賊大破之餘燼皆走是 曰光迹相連曰流絕迹而去曰奔案占楚地有兵一曰 事五年七月丙子辰星犯軒轅占曰女主當之九月癸 游擊河間王曇之等次堂邑發丹陽民丁使尹張涉屯 火足四車令書 太元七年十一月太白畫見在斗占曰吳有兵丧八年 衆伐竟陵桓石處擊大破之生禽震斬首七千獲生萬 征污漢楊亮代蜀並拔城略地八月符堅自將號百萬 六百餘家而還 九月攻沒壽陽十月劉牢之破堅將梁成斬之殺獲萬 四月甲子太白又畫見在参占曰魏有兵丧是月桓沖 人聲如雷將即怒之象也七年九月朱綽擊襄陽拔將 軍破民流十二月氏荆州刺史梁成襄陽太守閻震率 宋書

臣强六月甲午歲星畫見在胃占日魯有兵臣強十 年慕容垂鬼東阿翟遼鬼河上姚養假號安定行登自 太元十一年二月戊申太白晝見在東井占曰秦有兵 太元十年十二月已五太白犯歲星占曰為兵飢是時 餘 河朔末一兵連在外冬大飢 十年八月苻堅為其將姚萇所殺 年六月皇太后褚氏崩八月謝玄出屯彭城経略中州 (謝玄等又破堅於淝水斬其弟融堅大衆奔潰九

太元十一年三月客星在南斗至六月乃沒占曰有兵 立龍上呂光竊據涼土 日有赦是後司雍兖冀常有兵役十二年正月大赦

太元十二年二月戊寅熒惑入月占曰有亂臣死相若

月又故

有戮者一日女親為敗天下亂是時琅邪王輔政王妃

Children Listo 相扇揚朋黨十三年帝殺悦於是主相有限亂陷興

宋書

從兄國寶以姻明受寵又陳郡人表悦昧私苟進交達

多いセアノー 卷二十 五

辰天狗東北下有聲十二月戊子辰星入月在危占曰 太元十二年十月庚午太白晝見在斗十三年閏月戊

賊臣欲殺主不出三年必有內惡是月熒惑在角亢形

是後慕容垂翟遼姚長行登慕容永並阻兵爭疆十四)猛威占曰熒惑失其常吏且棄其法諸侯亂其政自

年正月彭城妖賊又稱號於皇邱劉牢之破滅之三月

張道破合鄉圍大山向欽之擊走之是年翟遼又攻沒

滎陽侵略陳項于時政事多弊治道陵運矣 次定日華全書 略并其七月早八月諸郡大水兖州又蝗 三台為三公文昌為將相將相三公有災入北斗殭國 太元十五年七月壬申有星字于北河戒経太微三台 同上十五年翟遼陸掠司兖衆軍累討弗克鮮平又跨 太元十四年十二月熒惑入羽林乙未月犯箴星占並 文昌入北斗長十餘丈八月戊戊入煮後乃滅占日北 河戒一名胡門胡門有兵喪掃太微入點微王者當之 宋書

太元十七年九月丁丑歲星熒惑填星同在亢氏占曰 時太子常有篤疾 王恭殷仲堪桓玄等並發兵表誅王國寶朝廷從而殺 為軍自守有反臣二十一年九月孝武帝崩除安元年 三星合是謂驚位絕行內外有兵丧與飢改立王公 太元十六年十一月癸巳月奄心前星占曰太子憂是 之并斬其從弟緒司馬道子由是失勢禍亂成矣 發兵諸侯爭權大夫憂十一月太白入羽林占曰天子

太元十八年正月乙酉熒惑八月占日憂在宮中非賊 萬人二十一年垂死國遂衰亡 人已日本 在 内殿兆庶宣言夫人張氏潛行大逆于時朝政閣緩不 有兵丧十九年四月已巳月奄歲星在尾占曰為飢燕 太元十八年二月有客星在尾中至九月乃滅占曰燕 乃盜也一曰有亂臣若有戮者二十一年九月帝暴崩 國亡二十年慕容垂遣息實伐什圭為主所破死者數 加顯戮但點責而已又王國實邪狡卒伏其辜

太白入太微占曰太白入太微國有憂晝見為兵丧九 罪朝廷赦之是後連歲水早民饑 内兵斗吳越分至除安元年王恭等舉兵顯王國寶之 太元十九年十月癸丑太白犯歲星在斗占曰為饑為 太元二十年六月熒惑入天囤占曰天下飢七月丁亥 月有蓬星如粉絮東南行歷女歷至哭星占曰蓬星見

不出三年必有亂臣戮死於市十二月已已月犯健閉

及東西咸占曰健閉司心腸喉舌東西咸主陰謀是時

衆民饑 欠日りっている 謝之 等舉兵而朝廷戮王國寳王緒又連歲水旱無三方動 安元年王恭舉兵脅朝廷於是中外戒嚴戮王國實以 月歲星犯哭星占曰有哭泣事是年九月孝武帝崩隆 有兵丧中軍兵起四月壬午太白入天囤占日為飢六 太元二十一年三月太白連畫見在羽林占曰有強臣 王國寳交構朝政二十一年九月帝崩隆安元年王恭 熒惑守井鉞占曰大臣有誅二年六月戊長攝提移戾 畫見在東井占曰秦有兵丧是月王恭舉兵內外戒嚴 受兵乙酉月奄歲星在東壁占日為饑衛地有兵へ 隆安元年六月庚午月奄太白在太微端門外占日國 尋殺王國實等六月羗賊攻洛陽都恢遣兵救之姚長 死子略代立什圭自號於中山 晉安帝隆安元年正月癸亥熒惑犯哭星占曰有哭事 一月歲星熒惑皆入羽林占曰軍兵起四月丁丒太白

還江陵三年冬荆州刺史殷仲堪為桓玄所殺 失常歲星畫見在胃胃兖州分是年六月都恢遣鄧啓 スシワラームはす **隆安三年閏月太白畫見在羽林丁丑月犯東上相辛** 尚之兄弟於是內外戒嚴大發民衆仲堪軍至尋陽禽 方等以萬人伐属於滑臺滑臺衛地也改方等敗而還 王恭司馬劉牢之反恭恭敗桓玄至白石亦奔退仲堪 江州刺史王偷指將段方攻尚之於楊湖為所敗方死 九月王恭庾楷殷仲堪桓玄等並舉兵表誅王偷司馬 宋書

隆安四年正月乙亥月犯填星在牽牛占曰吳越有兵 皇太后李氏崩 奪其任殷仲堪又殺之六月鮮畢攻沒青州十月羌賊 宮西蕃入斗魁至三台太微帝座端門占曰彗拂天子 丧女主憂二月已丑有星字于奎長三丈上至閣道點 沒會務我內史王疑之劉牢之東討走之四年七月太 攻沒洛陽桓玄破荆雍殺殷仲堪楊佺期孫恩聚衆攻 未辰星犯軒轅星占悉同上是年正月楊佺期破都恢 八日日三八日日 明 貫太微就宮占曰星者庶民類衆多西流之象径行天 貴臣獄死内外有兵丧天津為賊斷王道天下不通十 占曰為饑十二月戊寅有星字于貫索天市天津占曰 子庭主弱臣匯諸侯兵不制七月及亥大角星散搖五 又犯填星在牽牛辛酉又犯哭星十月奄歲星在斗河 廷閣易主之象経三台入北斗占同上條六月已未月 三月甲寅流星赤色衆多西行経牵牛虚危天津陽道 二月太白在斗畫見至五年正月乙卯案占災在吳越 宋書

管庫屯守柵斷准恩遣别將攻廣陵殺三千餘人恩遁 蕃次相四年五月孫恩復破會稽殺內史謝琰遣高雅 月孫恩至京口高祖擊破之恩軍蒲州於是內外戒嚴 之五月吳郡内史表山松出戰為所殺死者數千人六 之於餘姚死者十七八五年二月孫恩攻句章高祖拒 之等討之七月太皇太后李氏崩十月妖賊大破高雅 子熒惑犯少微又守之占曰處士誅十月戊子月犯東 色占曰王者流散丁卯月犯天關占曰王者憂九月庚

金りしたと言

欠いうらいたは **盧循自稱征屬將軍領其餘衆略有永嘉晉安之地二** 吳郡吳興户口減半又流奔而西者萬計十月桓玄遣 太傳道子七月大機人相食浙江東餓死流亡十六七 見殺劉牢之降于玄三月玄尅京都殺大司馬元顯放 玄東下是月孫恩在臨海人衆餓死散亡思亦投水死 十月司馬元顯大治水軍將以伐玄元興元年正月桓 據郁州是月高祖又追破之九月桓玄表至逆旨陵上 月帝我服遣西軍丁卯桓玄至姑熟破歷陽司馬尚之 宋書

太微西至十二月入太微占曰兵入天子庭二年二月 歲星犯西上將六月甲辰奄斗第四星占曰大臣誅不 積尸占並同上八月庚子太白犯歲星在上將東南占 晉安帝元興元年二月戊子太白犯五諸侯因畫見四 未太白犯進賢占曰賢者誅十月客星色白如粉絮在 將擊劉軟破走奔青州四年玄遂篡位遷帝尋陽 日楚兵飢一日災在上將丙寅太白奄右執法九月癸 月辛丑月奄辰星七月戊寅熒惑在東井熒惑犯與思

孝二十五

次三三年十二十三 子戰於野上相死二月甲辰月奄歲星於左角占曰天 **轅第二星占悉同上元年冬索頭破羌軍二年十二月** 元興三年正月戊戌熒惑逆行犯太微西上相占曰天 三年二月高祖盡誅桓氏 桓玄篡位放遷帝后於尋陽以永安何皇后為零陵君 丁丑熒惑犯填星辛巳月犯熒惑十二月乙巳月奄軒 犯進賢熒惑犯西上將十月甲戌太白犯泣星十一月 出三年八月癸丑太白犯房北第二星九月已丑歲星 宋書

又襲江陵荆州刺史司馬休之敗走是月劉懷肅擊振 軍攻之振走乗與乃旋七月永安何皇后崩三月桓振 義軍破滅之桓振又攻沒江陵幽叔天子明年正月衆 太白皆犯羽林占同上是年二月丙辰高祖殺桓修等 子荆州刺史綏桓玄叔帝如江陵五月玄下至崢嶸洲 三月已未破走桓玄遣軍西討幸已誅左僕射王愉及 四月甲午月奄軒轅第二星填星入羽林十二月炭惠 下兵起丙辰熒惑逆行在左執法西北占曰執法者憂

晉安帝義熙元年三月壬辰月奄左執法占同上丁酉 滅之其年二月巴西人熊殺殺益州刺史毛璩及璩弟 流八月丁巳月犯斗第一星占曰天下有兵一曰大臣 兵丧已未月奄填星在東壁占曰其國以伐亡一曰民 月奄心前星占曰豫州有災太白犯東井占曰秦有兵 四月已卯月犯填星在東壁占曰其地亡國一曰貴人 西夷校尉瑾跨有西土自號蜀王 死七月庚辰太白比畫見在翼軫占曰為臣強荆州有 てこう・・・・ こう 宋書

憂十二月已卯歲星犯天江占曰有兵亂河津不通是 傅長沙景王討破走之十一月荆州刺史魏詠之薨二 年六月索頭寇沛土使偽豫州刺史索度真戊相縣太 營室占同七月十一月丙戌太白奄釣鈴占曰喉舌臣 法癸卯熒惑犯左執法占並同上十月丁巳月奄填星 憂案江左来南斗有災則吳越會精丹陽豫章廬江各 九月戊子熒惑犯少微占曰處士誅庚寅熒惑犯右執 隨其星應之淮南失土殆不占耳史闕其說故不列馬

義熙二年二月已五月犯心後星占日豫州有災四月 次定四軍全書 癸丑月犯太微西將已未月犯房南第二星已五歲星 薨三月左僕射孔安國卒五年高祖討鮮早并定舊死 祖所害時文處茂討蜀屢有功會崇期死乃退三年十 楊威擊走之九月益州刺史司馬榮期為其参軍楊承 年二月司馬國璠等攻沒弋陽四月羌伐仇池仇池公 二月司徒揚州刺史王諡薨四年正月太保武陵王遵 宋書

遣劉敬宣伐蜀十二月司徒王諡薨四年正月武陵王 **璠等攻沒弋陽三年正月鮮卑兔北徐州至下邳八月** 君死丁未受惠太白皆入羽林是年二月甲戌司馬國 上十二月两午月奄太白在危占日齊七國一日疆國 唐午炭惑犯房北第二星八月及玄炭惑犯斗第五星 天下有兵壬寅炭惠犯成占曰成為宿宮人主憂六月 犯天江占悉同上五月癸未月犯左角占曰左将軍死 丁已犯建星九月壬午熒惑犯哭星又犯泣星占悉同

戦臨朐城進園廣固十月什圭為其子偽清河公所殺 次定四車全 兵起八月已卯太白奄熒惑又犯執法占曰奄熒惑有 義熙三年正月丙子太白晝見在奎二月庚寅月奄心 遵薨五年鮮甲復鬼淮北四月高祖大軍討之六月大 盆州有兵丧臣彊八月辛卯熒惑犯辰星翼占曰天下 填星也其說見上九年五月已丑太白畫見在参占曰 後星占悉同上癸亥熒惑填星太白辰星聚於奎婁從 六年二月拔廣固禽慕容超院斬其衆三千餘人

桑落州毅僅以身免丁丑循等至蔡洲遣别將焚京口 巴陵五月丙子循道覆敗撫軍将軍豫州刺史劉毅於 將軍江州刺史何無忌於豫章四月妖賊盧循鬼湘中 所破五年 高祖討鮮早六年三月妖賊徐道覆殺鎮南 沒那山魯郡太守徐邑破走之姚略遣衆征佛佛大為 而旋四年三月左僕射孔安國卒七月司馬叔璠等攻 大兵辛卯熒惑犯左執法九月壬子熒惑犯進賢是年 正月丁已鮮甲兔北徐至下邳八月劉敬宣代蜀不克

大ひりって、かかう 高祖以丹師南征是時徐道)覆率二萬餘人攻荆州烈 破贼别帥於上饒九月烈武王使劉遵擊茍林於巴陵 臨川烈武王討謙之又討林林退走都陽太守虞邱延 走據尋陽高祖遣劉鍾等追之八月孫季高乗海伐廣 擊大破之司馬國璠鬼碭山竺夔討破之七月妖賊南 **庾辰賊攻焚杏浦杏浦戍將距戰不利高祖遣軍渡淮** 斬之桓道兒率蔡猛向大薄又遣劉基討之斬猛十月 州謙之以蜀衆聚枝江盧循將茍林略華容相去百里 宋書

走交州交州刺史杜慧度斬之四月到彦之攻譙道福 拔始興城斬徐道覆盧循還番禺攻圍孫季髙不能尅 武王距之戰於江津大破之景於其十八九道覆棄戰 於白帝拔之 十二月高祖在大雷與賊交戰大破之賊走左里進擊 卒于白帝熊道福攻沒其衆唐成孫季高襲廣州起之 船走十一月劉鍾破賊軍於南陵癸丑益州刺史鮑陋 又破死者十八九賊還廣州劉藩等追之七年二月藩

アルンコーハニラ 中書 星入羽林占同上九月壬寅月犯昴占同二月十月熒 義熙四年正月庚子熒惑犯天江占同上五月丁未月 義熙五年二月甲子月犯昴占曰胡不安天子破匈 奴 十月戊子熒惑入羽林占悉同上五年高祖討鮮卑六 栗少六月已丑太白犯太微西上将已卯又犯左執法 四月甲戌熒惑犯辰星在井東占同三年五月戊戌歳 年左僕射孟昶仰藥卒是後南北軍旅運轉不息 奄斗第二星占同上壬子填星犯天廪占曰天下饑倉

義熙六年三月丁卯月奄房南第二星占曰災在次相 逼郊甸宮衛被甲 之應也是時鮮甲跨魯地又魯有兵之應也五月盧循 安定姚略自以大衆救之六年二月鮮甲滅皆胡不安 年四月髙祖討鮮早什圭為其子所殺十一月西虜攻 惑犯鉤鈐占同元年十二月辛丑太白犯歳星在奎占 惑犯成占同二年閏月丁酉月犯昴占同二月辛亥炭 曰大兵起魯有兵已酉月奄心大星占曰王者惡之是

卷二十五

次にり事を言う 七月已亥月犯與鬼占曰國有憂一曰秦有兵八月壬 占同三月已亥月奄昴占曰國有憂一曰有白衣之會 白犯五諸侯占曰諸侯有誅五月甲子月奄斗第五星 日天下有大誅乙未太白犯少微丙午太白在少微而 六月已丑月犯房南第二星甲午太白晝見占並同上 已已又在斗第五星占日斗主兵兵起一日将軍死太 月犯斗第五星占悉同上五月丁亥月奄牛宿南星占 午太白犯軒轅大星甲申月犯心前星災在豫州丙戌 宋書

畿是月左僕射孟昶懼王威不振仰藥自殺七年二月 劉藩集徐道覆首杜慧度斬盧循並傳首京都八年六 選兵是年三月始與太守徐道覆反江州刺史何無忌 畫見九月甲寅太白犯左執法丁丑填星犯畢占曰有 月兖州刺史劉藩尚書僕射謝混伏誅高祖西討劉毅 討之大敗於豫章無忌死之四月盧循魁湘中沒巴陵 月臨川烈武王道規薨時為豫州八月皇后王氏崩九 五月循等大破豫州刺史劉毅發僅以身免循衆逼京 全 5 しん ごう 次之四事 全書 七月丁卯歲星在参占日歲填合為內亂一日益州戦 義熙七年四月辛丑熒惑入與思占曰秦有兵一曰雅 不勝亡地五虹見東方占曰天子點聖人出八月し末 伏誅林邑王范胡達將萬餘人寇九真九真太守杜慧 **關占曰臣謀主庚子月犯歲星在畢占曰有邊兵且飢** 州有災六月太白畫見在翼占同元年已亥填星犯天 期距破之七月朱齡石滅蜀 斬之十二月遣盖州刺史朱齡石伐蜀九年諸葛長民 曰秦有大兵已未月犯井鉞八月戊申月犯泣星十月 月奄房北第二星占同上甲申太白犯填星在東井占 義熙八年正月唐戌月犯歲星在畢占同上七月癸亥 蜀民尋又反又討滅之八年誅劉藩謝混滅劉毅皇后 王氏崩九年訴諸葛長民十一年討荆州刺史司馬休 月犯咸星在参占曰益州兵飢太白犯房南第二星十 雍州刺史魯宗之破之也 月丙午太白犯哭泣星占悉同上七月朱齡石尅蜀

齡石減蜀 次定四車公書 與鬼太白犯南河初義熙三年四星聚全重要徐州分 義熙九年二月丙午熒惑填星皆犯東井占曰秦有兵 崩九月誅劉藩謝混滅劉毅九年三月誅諸葛長民西 壬辰歲星熒惑填星太白聚于東井從歲星也熒惑入 **勇攻羌安定成起之十二月朱齡石伐蜀九年七月朱** 大人愛十二月癸卯填星犯井鉞是年八月皇后王氏 辛亥月奄天關占曰有兵十月丁丑填星犯東井占曰 宋書

奄有四方無德受罰離其國家減其宗廟今茶遺文所 其徵也星傳曰四星若合是謂太陽其國兵丧並起君 剪減於是天人歸望建國舊徐元熙二年受終納禪皆 子憂小人流五星若合是謂易行有德受慶攻立王者 十三年高祖定關中又其應也而級循羣凶之徒皆已 珍鮮早是四星聚奎之應也九年又聚東井東井泰分 姚興熊殺借偽秦蜀盧循木末南北交侵五年高祖北 是時慕容超僣鍋於齊侵略徐充連歲勉抄至于淮泗 ていりに といる 終侯伯卒無更紀之事是則五星聚有不易行者矣四 勒之亂而元皇興復揚土漢獻帝初平元年四星聚心 房齊桓將霸五星聚箕漢高入秦五星聚東井齊則永 與復於洛晉懷帝永嘉六年四星聚牛女後有劉聰石 則四星聚有以易行者矣音漢平帝元始四年四星聚 星聚者有九漢光武晉元帝並中興而魏宋並更紀是 存五星聚者有三周漢以王齊以霸周将伐殷五星聚 柳張各五日柳張三河分後有王莽赤眉之亂而光武 示書 ---

十五年而魏文受禅此為四星三聚而易行矣蜀臣亦 亦郊祀備物皆為改漢矣建安二十二年四星又聚二 擾而魏武迎帝都許遂以死豫定是其應也一曰心為 尾為燕又為吳此非公孫度則孫權也度偏據僻陋然 之祥故奉幽州牧劉虞虞既距之又尋滅已固已非矣 又聚箕尾心豫州分後有董卓李催暴亂黃巾黒山熾 引後聚為劉備之應案太元十九年義熙三年九月四 天王大兵升殿天下大亂之兆也韓馥以為尾箕燕興

金万里屋人門里

卷二十五

星各一聚而宋有天下與魏同也魚券云五星聚異方 とこうるいから 兵起後皆有應 而魏有天下熒惑入與鬼占曰兵丧太白犯南河占曰 乙丑箴星犯軒轅大星占悉同上六月丙申月奄氏占 罪者二月已酉月犯房北星五月壬寅月犯牽牛南星 鉤鈴占曰張舌臣憂九月唐午歲星犯軒轅大星已五 五月壬辰太白犯右執法畫見占同上七月唐午月奄 月犯左角十年正月丁卯月犯畢占曰将相有以家坐 宋書 主

為旱為疫為亂臣五月甲申彗星出天市掃帝座在房 惠犯井鐵填犯與鬼逐守之占曰大人憂宗廟改八月 心房心乐之分野案占得彗柄者與除舊布新宋典之 邊兵已卯填星入與思閏月丙午填星又入與鬼占曰 陰謀十一年二月丁已月入畢占曰天下兵起一日有 主爱丁已太白入羽林十二月已酉月犯西咸占日有 丁酉月奄牽牛南星占同上九月填星犯輿鬼占曰人 日將死之國有誅者七月唐辰月犯天關占曰兵起熒

卷二十五

。白犯東井占曰春有兵戊寅犯與思占曰國有憂七月 欠己了早全事 中書 辛丑月犯畢占同上八月壬子月犯氏占同上庚申太 象癸卯熒惑從行入太微甲辰犯右執法六月已未太 為飢留房心之間来之分野與武王伐紂同得歲者王 白從行從右掖門入太微丁卯奄左執法十一月癸亥 于時晉始封髙祖為宋公六月壬子太白從行入太微 月入畢占同上乙未月入輿鬼而暈占曰主愛財寳出 一曰暈有赦十二年五月甲申月犯歲星在左角占曰


占曰己君之戒壬戌月犯太微占同上十一月月於太 甲寅月犯畢占同上乙卯填星犯太微留積七十餘日 犯軒轅丁亥犯牽牛及已熒惑犯右執法八月已酉月 有大誅十月丙戌月入畢占同上十三年五月丙子月 右掖門已已月犯畢占同上七月月犯牛宿占曰天下 微奄填星占曰王者惡之十四年三月癸丑太白犯五 軒轅十月戊申月犯畢占悉同上月犯箕占曰國有憂 犯牽牛丁卯月犯太微占日人君憂九月壬辰炭惡犯

手足した

欠了了!奉令三司 喪五月唐子月犯太微占同上壬子有星字于北斗鬼 微犯右執法因留太微中積二百餘日乃去占日填星 起上相星下芒漸長至十餘丈進歸北斗 煮微中台占 兵丁已月犯東井占日軍將死矣亥彗星出太後西柄 中占日有聖人受命七月甲辰炭惑犯與鬼占曰春有 日彗出太微社稷亡天下易王入北斗就微帝宮空一 諸侯占同上四月壬申月犯填星於張占曰天下有大 日天下得里主八月甲子太白犯軒轅及酉填星入太 宋書

等溃奔長安五月林邑鬼交州交州刺史杜慧度距戦 戊從端門出占曰熒惑與填星鉤已天下更紀甲申月 時填星在太微繞填星成鉤已其年四月二十七日丙 **微犯西蕃上将仍從行至左掖門內留二十日乃逆行** 執法丁已月入太微占曰大人憂十月癸已炭惑入太 守太微己君之戒有徒王九月乙未太白入太微犯左 全ラレスノニ 元年二月五日出西蕃上将西三尺許又從還入太微 人太微占同上十一年正月髙祖討司馬休之魯宗之

于九真大為所敗十三年七月高祖伐羌十月前驅定 陝洛十三年三月索頭大衆緣河為鬼高祖討之奔退 一音恭帝元照元年正月丙午三月壬寅月犯太微占悉 城受乐公十一月左僕射前將軍劉穆之卒明年西虜 寇長安雖州刺史朱齡石諸軍陷沒官軍舎而東十二 月擒姚羽司充秦雖悉平索頭亮懼十四年高祖還彭 月安帝崩母弟琅邪王践阼是曰恭帝 其別師托跋萬交戰又大破之萬眾殲馬進復攻關八 マアンコミ 人工可 宋書 主



庚申太白從行從右掖門入太微○臣承舊按上一 天文志三太元二十年六月熒感入天国〇日永祚 大足日東全方 一 十月辛亥月奄天關〇闢諸本俱作關臣永祚按星圖 無天闕必屬字之訛今改正 星圖無天国星疑天困之訛 业 字本當作順沈約避梁武帝父名又改順為從後做 宋書卷二十五考證 宋書 從 按

金に上上二三 来書卷二十五考證